

Sch'uffants turmaintan ad uffants


Mobbing in scoula piglia pro – üna mamma pertocca quinta

ANDRI NETZER/FMR

■ Ch'uffants as tizchan minchatan in scoula es alch tuot normal. Scha our dal tizchar dvainta però violenza corporala e verbala, surpassa quai per ün uffant e'ls genituors il supportabel. In congual cun oters pajais europeans as rechatta la Svizra sülla trista prüma plazza da la statistica davart mobbing illas scoulas. Tanter set ed ünbesch pertschient dals giuvenils svizzers ill'età da 15 ons sun fingià stats pertocs. Els gnivan exclus, ris oura o dafatta clocchadas. Quai demuossa ün stüdi da PISA (Program internaziunal per la valütaziun da scolars) dal 2018. Il mobbing a las scoulas piglia eir pro – in congual cul stüdi dal 2015 s'han las cifras quasi redubladas. Da gnir mobbà es per ün uffant üna situaziun insupportabla. Ma eir ils genituors patischan. La mamma d'ün uffant pertoc quinta da sias experienzas. Per proteger las persunas nu vegnan manzunats il artichel ingüens noms.

«I nu passaiva ün di chi nu capitaiva qualchosa»

«Cumanzà haja fingià d'ürant la scoula», disch la mamma e cuntinua: «Ils ultims ons esa però gnü adüna pès.» Seis uffant frequainta intant üna da las ultimas classes primaras e d'eira adüna dar-



Na guardar davent

Suot mobbing s'inclegia ün cumpurtamaint fisic o psychic aggressiv chi's drizza sistematicamaing e repetidamaing d'ürant üna perioda plü lunga cunter üna persuna o cunter üna gruppa da persunas. L'intent es d'excluder e d'ümiliar scolaras e scolars pertocs. Mobbing po avair bleras fuormas – imnatschas, violenza corporala o derasaziun da famas. Uffants chi sun d'ürant il temp da scoula confruntats cun mobbing patischan eir da creschüts amo da las consequenzas. I' muond professional müdan els suvent plazzas da lavur. Bler plü agravant es però il fat, ch'els sun daplü co oters pertocs da depressiuns e da's privar d'vita.

Uffants sco eir genituors chi sun pertocs da mobbing as saintan suvent pers e sainz'agüd. Per els exista però la pussibilità da's drizzar al Servezzan psicologic da scoula dal Grischun. Il böt da quell'instituziun es da promover cha scolaras e scolars as saintan in ün ambient prüva e possan ir sainza temma a scoula. Sco post neutral infuormescha e cussaglia el a genituors, scolaras e scolars, persunas d'instrucziun, direcciuns

Quai d'eira il mumaint ch'ella ha stuvü reagir – ella ha tscherchà agüd professional pro l'assistenza psicologica da la scoula: «Meis uffant ha lura cumanzà üna terapia. El faiva bainschi grond progress, las attachas però nu schmettaivan. Per sortir da la situaziun ans ha il servezzan psicologic lura cusgliä ün sogiuorn illa psichiatria d'uffants e da giuvenils a Cuaira.» Normalmaing s'haja da spettar lösch fin chi vain libra üna plazza illa staziun, ma in quist cas esa i fich svel. Infra pacis dis ha seis uffant pudü ir a Cuaira – per la mamma bod massa svel: «Eu vess gnü gugent amo ün pa temp per am preparar. Per meis uffant d'eira quai però il güst mumaint. Scha nus vessan stuvü spettar plü lösch, vessna cumanzà a stübiar, scha nus nu vulessan istess il prüm amo üna jada provar sves.»

Dumondas chi turmaintan

Ch'illa psichiatria d'uffants haja seis uffant imprais co's deportar in situaziuns da mobbing ed a chi's drizzar per survgnir agüd, disch la mamma ed agiundscha: «In pacis eivnas po'l darcheu tuornar a chasa. Adonta ch'el s'allegra es quai eir colliä cun sentimentals ambivalents.» D'ürant il temp illa clinica ha seis uffant fingià passantä divers dis d'insaj in sia classa veglia. Tenor la mamma s'ha la situaziun fingià amegdrada. Cha plü bod

cheu confruntä cun attachas verbalas e corporalas. Quellas attachas gnivan dad ün o da plüs conscolars.

«Tuot ils ons n'haja adüna darcheu motivä a meis uffant d'esser ferm e d'ignorar las attachas», disch la mamma ed agiundscha: «Cul temp nu güdaiva quai però plü. I nu passaiva ün di chi nu capitaiva qualchosa, ed el nu'm quintaiva neir plü tuot.» Cha pro roba plü severa, per exaimpel cur cha seis uffant saja gnü clocchà insembel, haj'la contactä ils magisters. Quels han bainschi intervgnü e la situaziun s'haja amelgrada, ma davu cuort temp darcheu pegiorada: «Quai d'eira sco ün ciclus chi's repetta adüna darcheu.» Ch'impustüt las attachas verbalas hajan fat il plü mal a seis uffant – «che fast tü amo quia» – «tü est massa bler in quist muond» – «gnanca tia mamma nun ha jent a tai» – frasas chi d'eiran part da seis minchadi in scoula.

«Al cumanzamaint n'haja amo provä da tscherchar il discours culs genituors dals uffants chi mobbaivan, ma quai nun

Legenda: Pertocs da mobbing in scoula as saintan suvent sullets. Schi capita violenza verbala o corporala cunter uffants nun esa da spettar, dimpersè da reagir. FOTO PHERE.COM

«Vessa stuvü reagir oter?» –
«Vessa sves stuvü discuorrer culs uffants chi mobbaivan?» –
«Vessa stuvü tour a meis uffant our da scoula e metter in ün'otra?»

ha müdä la situaziun. Intant n'haja rasegnä», quinta la mamma.

Il mumaint da reagir

Minchün frunta situaziuns greivas in seis möd. Inchüens provan da schoglier tuot sves, oters serran ils ögls e speran ch'al

problem as resolvable uschè da sai. La vita nu lascha però adüna üna schelta e sforza suvent da reagir – uschè eir in quist cas: «Ün di es meis uffant rivä a chasa davu scoula. El d'eira sblach, absaint ed ha dit ch'el saja stanguel. El es lura i in sia stanza – n'haja almain cret. Davu cuort temp

da scoula ed otras persunas specializadas in cas da mobbing. Sia sporta includa: intermediar ed infuormar, valütar la situaziun, cusgliar ed accompagnar uffants, famiglias, classes e scoulas. Il Servezzan psicologic da scoula dal Grischun survagn var 300 dumondas l'on in connex cul tema mobbing. Daplü infuormaziuns as chatta sülla sequainta pagina d'internet: www.avs.gr.ch

Cunter mobbing po però eir minchün sves far alch. Il plü important es da na guardar davent, schi capita violenza verbala o corporala cunter uffants.

n'haja tschüf ün telefon d'ün da seis conscolars. El m'ha dit ch'els hajan güst amo pudü retegner a meis uffant chi's vulava tour la vita.» Ün mumaint schnuavel per la mamma: «Eu d'eir stramida, a mai tremblavan las chommas e profund in mai n'haja resenti ün'enorma dolor.»

ja'l suvent stat bē sulet, ma ch'üossa passaintan eir oters conscolars las posas e' l di da scoula cun el: «Forsa tils ha quai chi'd es capitä fat reflettar e motivä da müdar lur agen cumpurtamaint.» Il retuorn a chasa significha per mamma ed uffant però eir müdamaints in lur minchadi: «Nus survgnin ün'assistenza social-pedagogica chi's güda da tgnair aint tscherchas structurats dal di cha seis uffant ha imprais illa clinica.»

Imbüttamaints nu vuol la mamma far ad ingün. Ch'ella as vess forsä giavüschä üna communicaziun plü transparenta, impustüt da vart da la scoula. Ad ella sves turmaintan però suvent las istessas dumondas: «Vessa stuvü reagir oter?» – «Vessa sves stuvü discuorrer culs uffants chi mobbaivan?» – «Vessa stuvü tour a meis uffant our da scoula e metter in ün'otra?» Tuot dumondas chi nu's riva da respunder davopro. Il plü important ch'ella haja però imprais es, cha schi capita mobbing nun esa da spettar, dimpersè da reagir.